



FEDERACIÓN DEPORTIVAS GALEGAS

No Diario Oficial de Galicia, número 247 do pasado 28 de decembro de 2018, publicouse a Lei 3/2018, do 26 de decembro, de medidas fiscais e administrativas que, entre outras disposicións contempla a modificación da Lei 3/2012, do 2 de abril, do deporte de Galicia.

Para o seu coñecemento e efectos oportunos, dase traslado das modificacións incorporadas, solicitando a súa difusión entre as entidades que forman parte desa federación, a través da súa páxina web ou outros medios que empregue a federación para este tipo de informacións.

“Lei 3/2018, do 26 de decembro, de medidas fiscais e administrativas

CAPÍTULO XI. Deporte

Artigo 42. Modificación da Lei 3/2012, do 2 de abril, do deporte de Galicia

A Lei 3/2012, do 2 de abril, do deporte de Galicia, queda modificada como segue:

Un. **Engádesele un número 3 ao artigo 21**, coa seguinte redacción:

«3. Non poderán modificarse as normas das competicións durante o seu desenvolvemento, agás causa de forza maior debidamente xustificada.».

Dous. O parágrafo segundo do **número 3 do artigo 46 queda redactado** da seguinte maneira:

«Unha mesma persoa non poderá formar parte de máis dunha xunta directiva de clubs distintos que compitan ou teñan intereses en idéntica modalidade deportiva.».

Tres. A **letra c) do número 2 do artigo 64 queda redactada** da seguinte maneira:





XUNTA DE GALICIA

PRESIDENCIA

Secretaría Xeral para o Deporte

Rúa Madrid 2-4, 2º, Fontiñas
15781 SANTIAGO DE COMPOSTELA
Tfno.: 881 996 342/43 - Fax: 881 996 346
E-mail: secretaria.deporte@xunta.gal

«c) A obriga de disolución no prazo máximo de seis meses, contados a partir da firmeza administrativa da resolución pola que se acorde revogar o recoñecemento da federación deportiva.»

Catro. Engádese unha **nova letra d) no número 2 do artigo 64**, coa seguinte redacción:

«d) A entrega á Administración deportiva autonómica de toda a documentación, en calquera formato, e material do que dispoña a federación en virtude do exercicio das funcións delegadas.».

Cinco. Engádese un **nova letra o) no artigo 116**, coa seguinte redacción:

«o) Simultanear a presidencia dun club deportivo coa presidencia da federación deportiva na que se integre o devandito club.».

Seis. O **último paragrafo do artigo 116 queda redactado** da seguinte maneira:

«Das infraccións ás que se refiren as letras h), j), k), l), ñ) e o) poderá ser responsable a presidenta ou o presidente da federación, sen prexuízo das responsabilidades nas que poidan incorrer outras persoas físicas integrantes dos órganos federativos.».

Sete. **Engádense as letras n), ñ) e o) no artigo 117**, coa seguinte redacción:

«n) Formar parte de máis dunha xunta directiva de clubs distintos que participen ou teñan intereses en idéntica modalidade deportiva.

ñ) A modificación das normas da competición durante o seu desenvolvemento, agás causa de forza maior debidamente xustificada.

o) Non disolver a federación deportiva no prazo fixado no artigo 64.c).».

Oito. A **letra i) do número 2 do artigo 130 queda redactada** da seguinte maneira:

«i) Determinar, dentro do ámbito das competencias autonómicas, as condicións de realización dos controis consonte a normativa internacional e nacional vixente en materia de dopaxe e o disposto nesta lei.».

Nove. O **número 1 do artigo 133 queda redactado** da seguinte maneira:



Xacobeo 2021





«Conforme o previsto na Lei orgánica 3/2013, do 20 de xuño, de protección da saúde do deportista e loita contra a dopaxe na actividade deportiva, o órgano superior da Administración autonómica competente en materia de deporte poderá celebrar convenios de colaboración coa Axencia Española de Protección da Saúde no Deporte para que esta asuma o exercicio das competencias en materia de control da dopaxe que corresponden á Comunidade Autónoma.».

Santiago de Compostela,

O subdirector xeral de Plans e Programas

Miguel Ángel López Sieiro

